



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԱՐԱԳԱԾՈՏՆԻ ՄԱՐԶՊԵՏ  
Կ Ա Ր Գ Ա Դ Ր ՈՒ Թ Յ ՈՒ Ն**

թիվ 205 - Ա

2011թ. դեկտեմբերի 27-

**ԱՇՏԱՐԱԿԻ ԶՈՐԱԿՈՉԱՅԻՆ ՏԵՂԱՄԱՍՈՒՄ 1996 ԹՎԱԿԱՆԻՆ ԾՆՎԱԾ ՊԱՏԱՆԻՆԵՐԻ ԿՑԱԳՐՄԱՆ ՄԻՋՈՑԱՌՈՒՄՆԵՐԻ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ**

Հիմք ընդունելով «Զինապարտության մասին» ՀՀ օրենքի 5-րդ և 8-րդ հոդվածի պահանջները Աշտարակի գորակոչային տեղամասում 1996թ. ծնված պատանիների կցագրումն անցկացնելու նպատակով կարգադրում եմ.

1. Կցագրման ենթակա պատանիների բժշկական զննումն անցկացնելու համար ստեղծել հանձնաժողով՝ համաձայն հավելվածի:
2. 2012թ. ողջ տարվա ընթացքում Աշտարակի զինկոմիսարիատում անցկացնել 1996թ. պատանիների կցագրումը.
- 1/ Կցագրման ժամանակ հայտնաբերված հիվանդ պատանիների ցուցակը ներկայացնել «Աշտարակի բժշկական կենտրոն» ՓԲԸ գործադիր տնօրենին նրանց հետագա բուժումը կազմակերպելու համար.
3. «Աշտարակի բժշկական կենտրոն» ՓԲԸ-ի գործադիր տնօրեն Ա. Հովհաննիսյանին՝
  - 1/ Բժշկական զննության անցկացման նպատակով Աշտարակի զինկոմիսարիատին ապահովել անհրաժեշտ մասնագետներով և բուժանձնակազմով, բժշկական պարագաներով և դեղամիջոցներով.
  - 2/ Օժանդակել 1995-1996թ. ծնված պատանիների ամբուլատոր քարտերի ժամանակին տրամադրումը զինկոմիսարիատին.
  - 3/ Արդյունավետ կազմակերպել կցագրման ժամանակ հայտնաբերված հիվանդ պատանիների բուժումը և արդյունքների մասին ներկայացնել հանձնաժողովի նախագահին:
4. Առաջարկել Աշտարակի տարածաշրջանի համայնքների ղեկավարներին, ուսումնական հաստատությունների տնօրեններին՝
  - 1/ Աշտարակի տարածքային զինկոմիսարիատ ներկայացնել 1995-1996թ. ծնված պատանիներից պահանջվող անհրաժեշտ փաստաթղթերը, ինչպես նաև ապահովել կցագրումից դուրս մնացած պատանիների ներկայությունը.
  - 2/ Ձեռնարկել անհրաժեշտ աջակցություն, որպեսզի զինակոչիկները ժամանակին ներկայանան զինկոմիսարիատ, անհրաժեշտության դեպքում տրամադրել փոխադրամիջոց:
5. ՀՀ Արագածոտնի մարզպետարանի աշխատակազմի առողջապահության և սոցիալական ապահովության վարչության պետ Ա. Բասենցյանին՝
  - 1/ Դիսպանսեր հսկողության տակ գտնվող 1995-1996թթ. ծնված պատանիների ամբուլատոր քարտերը և ցուցակները ներկայացնել Աշտարակի զինկոմիսարիատ:
  - 2/ ՀՀ Արագածոտնի մարզպետարանի աշխատակազմի առողջապահության և սոցիալական ապահովության վարչության սոցիալական ապահովության բաժնի պետ Վ. Գևորգյանին՝
    - Աշտարակի տարածքային զինկոմիսարիատ ներկայացնել ՀՀ աշխատանքի և սոցիալական հարցերի նախարարության սոցիալական ապահովության պետական ծառայության աշխատակազմի Աշտարակի սոցիալական ապահովության տարածքային բաժնի կողմից հաշվառված 1995-1996թթ. հաշմանդամ պատանիների ցուցակները:

6. Աշտարակի ոստիկանության պետին՝

1/Տարածային զինկոմիսարիատ ներկայացնել ՀՀՈ Աշտարակի բաժնի կողմից քրեական պատասխանատվությամբ նախաքննության մեջ գտնվող պատանիների ցուցակները:

2/Խիստ հսկողություն սահմանել ՀՀՈ անձնագրերի և վիզաների վարչության Աշտարակի անձնագրային բաժնի աշխատանքներին, բացառել զորակոչիկին գրանցելը և գրանցումից հանելը՝ առանց զինվորական հաշվառման կանգնելու և հաշվառումից դուրս գալու:

7.Սույն կարգադրության կատարման հսկողությունը դնել Աշտարակի զինկոմ Է.Մկրտչյանի վրա:

8.Սույն կարգադրությունն ուժի մեջ է մտնում ստորագրման պահից:



Կ Ա Ջ Մ Ը

Աշտարակի տարածքային զինվորական կցազման բժշկական հանձնաժողովի

- Է.ՄԿՐՏՉՅԱՆ - հանձնաժողովի նախագահ
- Կ. ՀՈՎՀԱՆՆԻՍՅԱՆ - թերապևտ
- Գ.ՕՉԱՆՅԱՆ - վիրաբույժ
- Ս.ՄԻՐԶՈՅԱՆ - ակնաբույժ
- Ն.ՄԱՆՎԵԼՅԱՆ - մաշկավեներբոլոգ
- Հ.ԲՈՅԱԽՉՅԱՆ - քիթ-կոկորդ-ականջ
- Լ.ՀՈՎՀԱՆՆԻՍՅԱՆ - նյարդաբան
- Հ.ՀՈՎՀԱՆՆԻՍՅԱՆ - հոգեբան
- Գ.ԱՌԱՔԵԼՅԱՆ - ատամնաբույժ

ՀՀ ԱՐԱԳԱԾՈՏՆԻ ՄԱՐԶՊԵՏԱՐԱՆԻ  
ԱՇՏԱՐԱԿԱԶՄԻ ՂԵԿԱՎԱՐ



Հ.ԳԵՎՈՐԳՅԱՆ

